



攻媿集一百二十卷

宋樓鑰撰原本一百二十卷其中青詞朱表之類
今凜承

聖諭槩者刪除重編為一百十二卷鑰學問賅博文章


淹雅在南宋詞臣之內可謂佩實銜華其題

跋諸篇尤多資於考證見四庫全書目錄集部

按此集乃舊時鈔本尚係一百二十卷青詞朱表均未刪
除似在未登

天府以前之存也 同治甲子夏五清來堂主人校勘

攻媿集序



鄮山參政樓公攻媿先生文集一百二十卷建
安真德秀伏讀而嘆曰嗚呼此可觀公立朝事
君之大節矣益公之文如三辰五星森麗天漢
昭昭乎可觀而不可窮如泰華喬嶽蓄泄雲雨
巖々乎莫測其巔際如九江百川波瀾蕩滴淵
淵乎而不見其涯矣人徒覩英華發外之盛而
不知其本有在也 慶元初韓侂胄除知閣
門事忠肅彭公力諫改佐胄內祠彭公予郡公
在瑣闥極論之云去者不復侍左右留者召見

無時終不能遠時侂冑之惡而未著也既而竊
弄國柄以黨論盡錮天下賢士挑敵棄盟中外
騷然以天下始服公先見朱文公侍經筵于內
批予祠公持其命不下曰當今人望儒宗無出
熹之右者奏雖寢然當以邪說充塞之時首倡
學者共尊朱公後卒賴其言而學禁遂開道統
有續然則官公平生大節而後可讀公之文矣
公生于故家接中朝文雅博極羣書識古文奇
字文脩衆體非如他人窘狹僻澀以一長名家
而又發之以忠孝本之以仁義其大典冊大議

論則世道之消長學術之廢興善類之離合繫
焉方淳紹間鴻碩滿朝每一奏篇出

其援據該洽義理條達若學士大夫讀之必曰

樓公之文也一詔令下其詞氣雄渾筆力雅健

者亦必曰樓公之文也於乎所謂有本者如是

非耶公既鑿五格切佐冑之鋒退居却掃者十有

四季嘉定起為內相做輔大政向來儔輩

凋喪略盡而公巋然獨存遂為一代文宗德秀

嘗竊論南渡以來詞人固多其力量氣魄可與

全盛時先賢並驅惟鉅野李公漢老龍谷汪公

彥章及公三人而已念昔校藝南宮白事東府
或清言竟日或極論達旦德秀退而書紳終身
誦之其所以猶為當世善人君子所與而不遂
為淫人之歸者公之教也公季子治以集序見
命德秀何敢辭建安真德秀謹序



攻媿先生文集目錄

四明樓

鑰大防

卷一

古詩

卷二

古詩

卷三

古詩

卷四

古詩

卷五

古體詩

卷六

古體詩

卷七

今體詩

卷八

律詩

卷九

律詩

卷十

律詩

卷十一

表牋

卷十二

表牋

卷十三

表牋

卷十四

表牋

卷十五

表牋

卷十六

奏議

卷十七

奏議

卷十八

奏議

卷十九

奏議

卷二十

奏議

卷二十一

奏議

卷二十二

奏議

卷二十三

奏議

卷二十四

奏議

卷二十五

奏議

卷二十六

奏議

卷二十七

奏議

卷二十八

狀劄

卷二十九

狀劄

卷三十

外制

卷三十一

外制

卷三十二

外制

卷三十三

外制

卷三十四

外制

卷三十五

外制四

卷三十六

外制三

卷三十七

外制二

卷三十八

内制一

卷三十九

内制

卷四十

内制

卷四十一

内制

卷四十二

内制

卷四十三

内制

卷四十四

内制

卷四十五

內制

卷四十六

謚議

卷四十七

進故事

卷四十八

序

卷四十九

序

卷五十

序

卷五十一

記

卷五十二

記

卷五十三

記

卷五十四

記

卷五十五

卷記

卷五十六

卷記

卷五十七

卷記

卷五十八

卷記

卷五十九

卷記

卷六十

卷記

卷六十一

卷記

卷六十二

卷記

卷六十三

卷禮書

卷六十四

卷書

卷六十五

卷銘十四

卷六十六

卷雜著三

卷六十七

卷題跋二

卷六十八

卷題跋一

卷六十九

卷題跋

卷七十

卷題跋

卷七十一

卷題跋

卷七十二

卷題跋

卷七十三

卷題跋

卷七十四

卷題跋

卷七十五

題跋四

卷七十六

題跋二

卷七十七

賦十二

卷七十八

賦一

卷七十九

青詞

卷八十

青詞

卷八十一

疏文

卷八十二

疏文

卷八十三

祝文

卷八十四

祭文

卷八十五

祭文

卷八十六

挽詞

卷八十七

挽詞

卷八十八

行狀

卷八十九

行狀

卷九十

行狀

卷九十一

行狀

卷九十二

行狀

卷九十三

行狀

卷九十四

行狀

卷九十五

行状

卷九十六

行状

卷九十七

神道碑

卷九十八

神道碑

卷九十九

神道碑

卷一百

神道碑

卷一百一

神道碑

卷一百二

神道碑

卷一百三

神道碑

卷一百四

神道碑

卷一百五

神道碑

卷一百六

墓誌銘

卷一百七

墓誌銘

卷一百八

墓誌銘

卷一百九

墓誌銘

卷一百十

墓誌銘

卷一百十一

墓誌銘

卷一百十二

墓誌銘

卷一百十三

墓誌銘

卷一百十四

墓誌銘

卷一百十五

墓誌銘

卷一百十六

塔銘

卷一百十七

課稿

卷一百十八

香山詩

卷一百十九

北行日錄上

卷一百二十

北行日錄下

玫瑰先生文集目錄終

攻媿先生文集卷第一

四明樓

鑰大防

古詩

攻媿齋

余以攻媿名齋俞致翁惠書謂若無媿可攻者讀之悚然不敢當以詩謝之

聖賢不得見道散固已久學者多自賢鮮肯事師友顛冥聲利中悔吝皆自取動言無媿怍未
知果然否寡過云未能先聖欣善誘凜凜孟氏

言幾希異禽獸參乎病知免遂使啓足手寧知
起易簣又在此段後吾儕况小人氣質素凡陋
以其所以養孝道亦何有勉前類水馬立處祇
如舊儻復不自力其末當愈謬每思攻所媿扁
榜銘座右三誦故人書慙汗幾欲溜夫豈為戲
言知君於我厚日之更加警補過尚無咎

謝湖山居士示和陶詩

吳給事帶

淵明千載人風節仰孤峭豈惟舜督郵蓮社不
得召書不求甚解眼高得玄要詩亦本無意但
寫胷中妙齊梁紛衆作嘈雜春禽叫稚子候簷

隙文通劇搜紹禱王局翁尚友謝浮漂飽喫
惠州飯追和欲同調湖山老居士宏才盡廊廟
出入官五紀懷躋自年少屢賡歸來辭吾行有
先兆老龍卧林壑年高德彌邵向來批勅手甘
心事畊釣築室據仙居泉石造深突亭榭望堂
皇蓬萊對圓嶠涉園日成趣遇客酒頻酌巖
鸞霍姿炯雙眸瞭墮體黜聰明坐忘樂遺照
西疇時告春東臯快舒嘯襟期古暗合此事不
容詔盡和靖節詩筆走追風驟又如斐旻斂騰
空徑投鞘人生嗜慾深山林不供燒何當從公

游脩然寧荷蓀小子敢言詩未免事華影西施
難效顰邯鄲恐貽笑思欲焚舊藁世味輕咀嚼
稍尋常蘇州旁引孟貞曜絕去翰墨畦毋鑿渾
沌竅尚或庶幾為未暇期速肖
澄江少日曾經行高城傍有長江橫君山特立
江之汀下瞰淮甸一掌平申港引潮深無聲萬
頃灌注滋農耕國戰今幾二千齡黃歌此地猶
垂名舊以邑屬南蘭陵疲於奔命吏失寧今為
裂地為專城獨當一面行雙旌井市雖小民厚

生四十萬緡輸賦征舶商輻湊衆貨羸牒許簡
省官曹清一邑負郭相依憑守宰同僚齊弟兄
脉絡貫通易尺情尉職無卑近編氓坐閱是否
真權衡倚郡孔道因將迎我乃靜趣如郊坰安
輿並行人子榮况有海錯供庖烹河豚鱠鱸鮮
不鯉車鰲蛤蟬均藜羹夫君傳家有典刑父子
知己人一經詩書滿門不慙鄉豈羨漢士黃金
籬薦口久不徹帝京九萬自此開鵬程平生寒
窓照短檠興亡千古無遁形妙年射策當彤庭
歸領後生為主盟友朋講習誠專精世故多端

須能更京口直下連滄溟官府闊稀行旅驚邊
頭久無夕烽青要在彈壓潢池兵簿書期會勤
經營人物酬應審重輕一言行之可終身謹毋
失已母夫人贈人以言豈吾能頗嘗於此三折
肱舉以送君君試聽
登育王望海亭
瘦藤挂破山頭雲山蹊盡處開危亭平田高頃
際大海、無所際空冥、乾端坤倪悉呈露飛
帆去鳥無遺形蓬萊去人似不遠指點水上三
山青褰裳濡足怨未免儻有飈馭吾當乘是中

始覺宇宙大眼力雖穿了無礙雲夢八九不足
吞回視塵寰一何隘曾聞芥子納須彌漫說草
庵舍法界看我振衣干仞罔笑把豪端捲煙海

林景思雪巢

四時不皆雪陸居本非巢高人興寄遠表此一
把茅吾非二祖可夜立寒齊腰吾非鳥窠師結
廬真樹梢白日照我心不以見皖消兩脚踏實
地風雨無漂搖作詩字益工寒瘦逼鳥却落筆
句驚人、不復尋推敲客至不問誰淡若君子交
直氣干霄上下視鄙斗筭富貴頃刻花誰能等

幻泡附離如幕燕自謂添與膠先生閱世熟兀
坐山城物春陽會有時豈曰終繫艷錫山寄雄
文凜然豎髮毛我非敢言詩為君聊解嘲

題龍眠畫騎射抱毬戲

綠楊幾枝插平沙柔稍裊隨風斜紅綃去地
不及尺錦袍壯士斫鬃射橫磨箭鋒滿分靶一
箭正截紅綃下前騎長纓抱綉毬後騎射中如
星流繡毬飛硯最難射十中三四稱為優元豐
策士集英殿金門應奉人方倦日長日過衛士
班飛騎如雲人馬健駕幸寶津知有日穿景馳

驅欣縱觀龍眠曾中空萬馬駭目洞心千萬變
追圖大槩寫當時至今想像如親是靜中似有
叱咤聲墨淡猶疑錦繡眩閑窓撫卷三太息五
紀胡塵暗畿甸安得士馬有如此長驅為決單
于戰

題羅春伯所藏脩禊序

東游登會稽祇見蘭亭不見碑北過中山府欲
訪此碑不知處間從故家看墨本如此二者絕
難遇曾經耶律彊裏去至今胡虜猶知暮時時
一二餽膚使持歸往快先覩未知玉石真在

否要此江南終近古他日縛取呼韓作編戶勒
銘歸來過定武只問君王乞此碑打向人間莫
論數點不似西間外均策者墨本收之二亦然
東謝登會題孟東野聽琴圖回次其韻山所效
誰歟住前谿夜深以琴鳴天高顯氣肅月斜映
疎星椽林助蕭瑟泉声激琮瑋彈者人定佳能
使東野聽東帶不立朝途夜廿空庭龍眠發妙
思神交杳杳冥不見彈琴人畫出琴外聲郊寒
凜如對作詩太瘦生恨不從之游撫卷空含情

壽安撫伯父

東樓德澤流無窮我公挺生慶所鍾瓊枝玉樹
瑩精彩迥然不墮風塵中少年慷慨吐虹氣文
詞元不減侪輩胷中妙蘊經綸才剝削裁繁特
餘事曾從蓮幕試牛刀舉城但識劉功曹闡麟
薦口動天聽一語便逾華袞褒上方欲葦嶺南
弊東才果得吳刺史不妨一勾飲食泉清德冷
泠今可紀憑軾雍容安七閩列那合詞稱得人
從茲十載秉麾節坐令萬里回陽春洞庭風月
瀟湘雨君王無復愛南顧抗章乞得半生閑遙
指家山賦歸去廟堂未肯閑完材大開東閣需

公來朝隨召節赴天闕夜馳使駟歸長淮廣陵
財貽要汲直金節熒煌照熊軾底用腰纏十萬
錢且看負身二子石忽思鮪膾寒菰美拂衣欲
遂鄉關情視去西陽如脫履意色蕭然同鬪生
畫船重泛西湖上水光山色都無恙主人管領
東風回故園桃李倍清爽云黿皆負三山歸輪
困老槍蒼龍姿了無塵俗敗人意槩几長物皆
魂竒橫岸綸中披鶴氅神情直出羲皇上塵事
到頭曾不聞卧聽歌臺傳燠響百花堂前采自
東興未一盃漫一盃人生亦欲自適爾富貴於

我何為哉中春况屬懸弧旦史君亭榭風光煖
東君預借一分春不許芳菲作春殿綺羅香深
初肆筵弟兄酬酢盃相傳此時更復惜一醉君
從何處接垂蓮五侯貴盛德未美簪纓不滿高
陽里何如清白傳家風奕世青氈盡朱紫燕居
今喜相比鄰其如四海頃陶釣羽書鼎未在前
夕何數羔雁徒成群芙蓉城中有仙宅十洲三
島環其側此中樂不減商山功成歸作茹芝客

送伯舅汪運幹

大雅

人生自古悲別離別離今日何足悲試問今日

行者誰鄞江名族真男兒虬鬚燕領軀十圍凜
凜端有熊豹姿毅然剛立不怒威笑視鼠輩何
脂常州縣少試囊中雖政績今在眾口碑姓名
通籍黃金閨便汎王儉紅蓮池乎時幕府多素
尸坐縻公粟邀以嬉只今方當多事特正要名
士同驅馳森、百萬虎與貔荷戈分駐淮東西
兩淮千里雙使麾幕中僚吏皆擢犀惟公婉畫
明著龜辨如懸河不可隱胷中武庫深難窺決
策固有堂上奇朔風吹空黃草齊正恐秋高胡
馬肥萬人相顧目睽、見公此去多腹非公獨

襍被行不疑單車西去征馬嘶平生氣槩衝虹
霓恨無尺蠶筍羌夷方今天相中興期黠虜戴
頭來邊陲願公速蹈功名機匈奴不滅何家為
出門千里何足辭但願滿引金屈卮

月夜汎舟姚江

秋暑不可能幾思泛中川晚來興有通溪船偶
及門涼月綵上弦平潮可黃昏倚楫縱所如卧
看龍泉山長虹跨空闊過之凜生寒坐穩興益
佳夜氣方漫漫草蟲鳴東西飛鳥相與還仰頭
數明星垂手搖碧瀾生客惜此景不及携清樽

無酒要不惡徜徉足幽歡幽歡有何好叩舷澹
無言
江頭潮生江月小暝煙綠暗垂楊道有客扁舟
送史君道傍不怕柳榆笑向來一別三換歲正
喜情親得傾倒吏民引頸望旌麾空有離愁滿
懷抱史君讀殘萬卷書古事今事俱了了便應
珥筆侍天陛不然代言登鳳沼瀛壖山水久寂
寥為屈朱轡來坐嘯怡情峯高舊題詠赤城所
在經行飽永嘉名郡太守尊靈運後來詩絕少

天作雁蕩地為藏蠟屐穿山未曾到改轅却向
箇中去更得江山助詩好齋鈴靜處定得句不
待池塘夢春草去年海水上平地大風駕浪送
天抄蒼生澱澱生魚頭聚落隨波迹如掃今年
二麥連野秀田家扶犁事杭稻史君憂國眉不
開叱馭徑竹仍及早衰我千里方更生縣官租
錢湏戶曉維民自恐上不足誅取何憐下無告
邦儲邦本孰輕重肯使疲民困征擾君不見巖
巖千古陽道州政拙催科自書考

隔山望危石老面凜如鐵路回兩屏開見此高
端嶮備哉名公卿我冠會朝列又如鼓迅霆玄
雲助擊烈癡陰不作雨空翠襲冰雪野水不知
源遠徑幾萬折子長真愛竒萬里探禹穴我家
甬水東為舟輕入越竊此半日間到處輒清絕
傳聞古洞天瓊臺照金闕神仙杳難問一笑小
石裂相逢客路中翻手數年別勝地更躋攀莫
獸履齒折春草三日不得過都泗堰
南朝何公栖禹穴嘉趣悠然志高潔一朝送人

都泗埭歸嘆此途於此絕我亦何為走塵埃數
年不記幾往來船橫三日不得度愧想高風安
在哉

宿佛日山

平生臨平山知誦藕花句輕帆幾來往山色澹
如故寧知千萬峰中間著性趣蕭蕭蒼髯翁為
指花城路我來春正濃天寒日將暮雲深鍾呬
鳴自喜得勝具緬懷玉局僊老筆掃朝霧玉梨
儼相持珠旒竟何所惟餘渥注水蒼龍角牙露
人間翻覆手烈日變烟雨俗子眩炎涼三四錯

賦芋道人笑視之萬化隨所寓深坐十笏地一
息了千慮箇中誰得知幽鳥背人去去誰自
求仲柳招遊山歸途遇雨
竹輿遠湖濱宿露尚厭浥徑到玉岑下坐久客
始集起穿靈石山萬松介而立梅天氣清潤空
翠竹可挹古藤幾百年枝蔓兩山及見說暮春時
花紫光媚八直疑老潛虬初起夜來蟄俯翫歲
寒泉齒冷不敢吸相將上龍泓塵鞅謝羈馭洞
有靈獸居臨深心八魚游明鏡中巨浪無三
級寒苔載水去萬頃潤原隰濛濛八山雨來歸僕

鳥飛急野與殊未已日晏不暇給衝泥上湖舫
雨陣遽奔襲飄風將急點回旋驚四入中流益
蕩兀短篷不當笠停篙亦久之怒勢不少戢我
徒方嘯歌弗為改豪習但恥八餅墨整莫間衣濕
濕八吳江舟中
阿連久矣共一被小別愁生夜無寐風帆將我
上征途回首江山日千里小舟橫卧吳江水夢
回依約蕭齋裏五更漏急月黃昏鳥散一聲人
未起

讀范吏部三高祠堂記

三高之風天與高三高之靈或可招小山以後
無此作具屐笠澤空寥、幾從垂虹蕩双槩寓
目滄浪獨怡悵筆端不倒三峽流欲遽招之恐
長徃前身陶朱今董狐襟抱磊落吞江湖塊詞
三章妙天下大書深刻江之隅我來誦詩凜生
氣若有人兮在江水扁舟獨釣膾鱸魚茶竈筆
床歸南里先生固是丘壑人只今方迫功與名
謝公捉鼻恐未免便看林藪生風雲他年事業
滿彝鼎乞身歸來坐佳境不嫌俗士三斗塵容

我漁蓑理烟艇

僊都獨峯

漢家武徹求神仙方士搯擊多夸言蓬萊隔海
不可到屬車方羊上橋山傳聞黃帝久仙去胡
為有石高噴玩游談不經理欲屈謾言此地藏
衣冠縉雲自是仙窟宅萬壑千巖比如櫛突然
一石摩青雲造化應勞巨靈擘仙風吹墮碧蓮
花玉井半空人不識望之不計幾千尺八柱擎
天此其一伯夷制行高且孤萬世猶能立懦夫
英魂凜然今不死化作此石山之隅橫斜轍迹

依然在我亦何能窮古初
靈壁道傍怪石存萬世
能聞茲山產奇石東南寶之如天璧誰知狼籍
亂如麻往來嵌空類鐫刻長安東風萬歲山搜
扶珍怪窮人間汴流一舸載數輦徑上艮嶽增
孱顏當時巧匠斲山骨真之汗干高突兀干戈
動地胡塵飛坐使奇材成棄物君不見黃金橫
帶珥神運不數臺城拜三品只今零落荒草中
萬古淒涼有遺恨木人漂、不如去坐閱興亡
知幾許行人沉嘆馬不前右雖不言恐能語

括蒼溪漲

雨餘大溪觸山流氣勢直欲凌沙洲浮梁中分
斷端竦流沫東去行蛟虬人家嘈、避新漲雲
稼苒、添平疇漁翁輕生有如此小艇橫絕隨
飛鷗

石門洞

扁舟百里連城回青山中斷立兩崖清都虎豹
隱不見但見閭闔排雲開峯回失喜大飛瀑聲
震萬壑驚春雷掀髯目極九霄外玉虹千丈飛
空來一冬青女斬天雪不知紫北山之隈傳聞

神龍卧其上寶藏擊碎真瓊瑰
胸中先自無塵埃到此更覓心
崔嵬天風為我嘒空翠春水瀉
入騷人懷謫仙曾來寫勝句
劉郎又為開天台我慚筆無挽
牛力醉墨滿壁誰為裁或言龍
湫更竒絕雁山高處深雲塊
我方攜筇往尋訪未知此何如
哉

大龍湫

北上太行東禹穴雁蕩山中
最竒絕龍湫一派天下無
萬口贊揚同一舌行路入
兩山間踏碎苔痕屐將折
山窮路斷脚力盡始見銀
河落

雙闕矩羅宴坐有不厭騷人
弄詞困搜抉謝公千載有遺
恨李杜復生吟不徹我遊石
門稱勝地未信此儼真卓越
一來氣象大不侔石屏倚天
驚鬼設飛泉直自天際來
處益高聲益烈從地倒瀉三
峽流到此誰能定優劣雁山
佳趣得要領一日盡游神惡
褻驪龍高臥喚不應自媿筆
端無電掣輪因滿索湍不怒
非霧非烟亦非雪我聞陳雨
初霽時噴擊生風散空闊更
期雨後再來看淨洗一生煩
惱熱

雁山本不連雲惡望海中諸山
新春記也

雁山本在雲海中波濤千古相撞春泥沙洗盡
見山骨巖壑所在皆玲瓏是誰一口吹水盡平
地卓立成奇峰至今注有遺迹相傳渺漭何
能窮我乘單車來自東佳處千數一覽空晚登
四十九盤頂曠望巨海煙濛一群山錯立不知
幾朝日照耀天霞紅是向瑰奇定多有鯨波掩
蔽深莫通我無太真燬犀法安得一圖馮夷宮
會聞滄海變成陸却與雁山爭長雄
寄題張法曹瞻雲軒
張侯名軒意可知如蒼太行看雲移我雖未得

登軒墀不鄙要我已入詞爾時膝下邀以嬉款
斷數語不隨娛侍東嘉樂無涯官舍偏仄親
不怡安輿相將甬水湄日東望勞支順秋風
得檄欣星馳歸拜親下聊信眉官事有程不得
違欲去故國行遲一重來橘柚黃金垂霜著新
蟹雙螯肥海魚甘鮮一尺圍款奉色養春為期
瞻雲之思今同之慨然落筆成新詩人間至樂
在庭闈何用自縛微官為君方款解左顧龜我
亦日思投檄歸相望百里俱巢衣從他天外閒
雲飛

次韻翁處度同遊北山

兩夫持鎌行我先巧尋徑路其智專我扶枯藤
衣短後意氣已出層峯巔何郎鮑叔鮑經歷勝
處一、手自編我携舊記訪陳迹正恐急景不
得延當年共登青雲梯今日邀我為擊鮮始觀
神龜闖青此上有石壁來飛泉隱清遺基平可
坐下顧亂石如磨鋌懸崖雙瀑瀑洒空雪來自一
握孤雲天却送下流沂深險崎嶇直到清潭邊
朝陽射光破幽悶斷虹上下遮潺湲傳聞高山
更高處雅有行路從西偏同行無乃深好事盃

酒自搗脚力全誅鋤荆棘窮鳥道欲進不得意
愈堅旋呼童僕累危石笑採野菊聊盤旋捫蘿
滕身上苔磴往、歡呼爭著鞭側行危步汗浹
背石角或使衣裳秦少馬身在雙瀑上又見高
派衝泓淵自笑泉石成膏肓愛賞不減蟻暮羶
嗅巖數峯巧遮護妙處二老初無傳脫迹塵埃
到此地便竟神思飄、然回首江南塵一聚城
郭歷、眼欲穿相期更看水流處步履未倦夸
輕翩一上千尺窮山椒碧澗靡迤流蒼烟尋源
不能且忘返石猊巍距驚神鑄退求歸經惘難

問藤蘿所在相縈纏我方踟躕風烟表披衣
袂身欲僊晚歸招提各痛飲讀盡屋壁長短篇
截筒環山窺清駛竅出珠穗心亦憐棊枰相與
論派葛橫琴不妨揮五絃人生易老費扶掖勝
具大率須少年伊余歷聘佳山水愛竒切慕太
史遷明年炎暑襲故步與君共枕清流眠

遊白石巖

我遊僊都觀獨峯轍迹雖在車不通鼎湖望極
幾悵悵無羽翻凌天風茲來樂成望白石玉
甌突兀摩蒼穹人言真人老聃裔鑿開洞府遺

僊踪無人共登青雲梯躋攀伴我惟枯筇縈回
約畧三十里踏遍萬疊高龍從斷崖冷落殘
雨雙石凜亭孤松却從山椒下谷口石欄屈
曲遮碧椽頗疑山高氣凝凜古來積雪今未融
是誰玉斧妙鐫斲僊洞雙闕驚神工巖深白日
尚幽閤別有石竅開天聰傳聞峰頭貯清泚苔
罅涓滴聲冬瓠奮身更與上虛閣海山錯立烟
濛人脚底千山行伏龍手揮五絃俯冥鴻霜林
搖落當玄冬長嘯一覽萬象空解衣寄宿旦過
寮塊夢亦墮冰壺中曉看日出滄海東蠟炬百

萬燒天紅眼高不數雁蕩雄行田下笑康樂公
未能辟穀追僊翁頗亦有意棲林宮三山不覓
去人遠安期羨門宜相從驂鳶駕鶴太多事但
欲御氣遊無窮會良更與土室開成山設之風
尚幽閑約諸公再遊龍湫聞朝朝更視觀山啓
昨暮與君上龍湫天久不雨無湍流嘯呼拊掌
喚不應悵望頗亦令人愁夜來雷鼓驚馬龍起
溪聲已竟亂人耳莫辭重訪尊者居坐看倒翻
三峽水十里湖山疊高諸對幽室今夕夢寐
劉宗無入送劉仲起主簿

劉郎鳶棲海瀕邑不減向來人姓習凜然軀幹
即之溫語恐傷人中有立論交雖厚笑甘醴御
吏以嚴無束濕公餘黃卷頻卷舒藝圃工夫日
加葺永嘉素多君子僚休沐新盟有清集伯倫
忽去誰鯨吸欲挽不留情悒悒君年方盛才有
餘逸驥寧容在羈馭期君速躡功名機塞草連
雲朔風急時年非真也錯西林結笑別報誌
賈誼謝靈運王侍御壽詩不替靈文長風竟斬山
史君威名聞四方南床凜凜凝秋霜史君和氣
到甌越幕府初開夜飛雪頗聞此雪仍歲無定

知來隨御史車苗堂洗印未多日慶朝况此當
懸孤明年豐登日可教父老兒童爭起舞遲明
賀版擁譙門試拾歡謔作詩語史君風度神仙
人相門出相寧非真妙齡兩科談笑得晚趨嚴
召依風雲臺端敢言姦聽聳至今讜論時傳誦
踏遍巫山十二峯却尋春草池塘夢入傳史君
威稜我知威愛元兼行蒼髯如戟面如鐵惠
養自有循良稱高牙入境紛進謁賓屬庭趨躬
磬折民生共喜愛日溫吏行獨畏春水裂向來
夔州妙籌邊夷蠻落膽皇靈宣還朝奏課居第

一夜半帝席為之前東嘉今為股肱郡小試望
之三輔近會循故事入三公致君要使登堯舜
東風未動春先回梅花照眼歌筵開吏民合詞
誦難老一笑千里傳銀杯佳兒恂投衣鉢玉
樹芝蘭俱秀發江南世胄比長淮更看雲來萃
簪笏平生知己今上天敢復坐嘆寒無續巴言
未足贊公壽載誦峻極崧高篇

鮑清卿病目不赴竹院之集詩寄生

容次韻

鮑侯年少老文學莢云苑優游富耕獲胸中涵養

自成趣妙處正恐兒輩覓我慚門巷非尺五字
欲問竒誰與權開樽竹院望同醉遮眼胭脂何
太虐團團十客踏雨來相從不負東風約投壺
雅歌了無恨祇恨車公一前却海棠春深照眼
明風物融、悟非昨從教雨洗胭脂淡小摘何
妨供把握夜闌燒睡照春燭靚妝如在結綺閣
墻頭西望爛蜀錦燭然一笑無聲樂飛紅點地
綉作茵正頃席地天為幕要知富貴出天姿艷
杏夭桃何足錄主人小築真好事肯學區、專
一壑洞門不鎖要客來笑君太似羊公鶴雨餘

珠淚色慘悽一顧正嫌無伯樂忽驚新詩來叩
門妙語天然不煩琢坐中傳觀字欲漫我豎降
幡甘面縛清明已過雨不休雲霧猶屯四山脚
揩摩病目不應遲及此紅英半零落枝頭尚有
未開花縱已離披亦何惡知君既負西岑游可
使一春終落寞會須來此共賦之正要重聞誦
新作

贈先孝益老

光孝長老師益蘇魏公諸孫兄近
壽為台州判官別四十餘年一見

歡甚林吏部有詩次韻

鴻原鴻雁行此理懸諸天萬事可變滅天性難
推遷頭蒼幼出家潔飢同玄蟬一鉢寄西東悠
悠經幾年外慕等浮雲百念灰無烟難兄忽相
逢觸動歡喜緣光陰信可惜征袂何翩跹叱胥
掩簿領來同妙峯禪刺道家世客淚如迸泉
玉堂與黃閣衣鉢親相傳游宦非為貧不敢替
所先老師雖晏坐至情豈唐捐此會非偶爾絕
倒秋風前手持詩卷來謂予得無言晚以天性
語人生要有原嗟哉偽日簿其豆木同根一

旦成仇敵釜中急相煎寧知有佳人芳草夢阿
連相見無幾時譬如魚躍淵固知出世法惜別
詎不然又當作大觀勿為愛網牽千山元不隔
毋庸對床眠

送王道州

九疑之南為春陵瀟水清駛山為城郡齋正據
山直上一覽萬家無遺形家君頃年入蓮幕我
不得往空馳情先生分符此中去心旌搖颺隨
雙旌先生平生飽文學身上著作承明庭與篇
隱帙辨如響一時自詩許文章鳴高詞坐奪造

化巧凜、韶濩聲鏘鏗把麾江海非無意親扶
版輿賦南征頗聞楚俗未蘇息糟糠不厭嗟疲
氓正資儒術飾吏事拔去強薤摩孩嬰政成環
召事未晚天子日夜問延英風流千古三刺史
往繼聳叟陽先生毋庸自書追科考但願寄我
春陵行

哭王知統墓

知幾少也爽萬事笑談了自謂頗寡合見我輒
傾倒百年能幾見一別迹如掃父子俱理璧烏
乎何具早向來論文酒和淚傾宿草此意誰復

知寤歎令人老

仲舅尚書生朝

去年生朝燕稽山館舍朗、屋百間紅裙合樂
飲徹旦坐上衆客皆酩酊今年生朝半歸路竹
輿滿、晚衝雨回頭風景非去年當時賓客今
何處仕已喜愠曾何分適齋未減楚子文鼻間
栩栩固自若世情物態徒紛紛平生知足閑
退歸老鄉閑了無悔但欲年、醉西風生閱人
間百千載歲人間萬事日不同尚書人望方顯
顯明年舉酒拜公壽安知不在槐庭中

鄧陽平舉送鄭惠叔司封江西提舉中

君名切斗魁步武上霄極蓬萊群玉府圖書照
奎壁即官應列宿寢竟象緯逼胡為作使星炯
炯向江國仰奉鶴髮親版輿映萊服昔日紅蓮
池帥垣資婉畫方將散餘潤連城被膏澤官推
與民繇豐儉煩振糴小試活國手疲氓賴休息
便歸侍玉皇拱立香案側富貴殊未已行止
鸞掖君其妙演綸二能看齊色

次韻胡元用采利花

殘暑未盡秋欲來玉刻萬葉瓊英開孤標雅韻

一枝足江上紫翠空成堆素娥常與明月約青
女細把輕綃裁主人好事趁時買、寘此地真
宜哉墻間間地方文所幾年累甃裝層臺春花
秋卉紛互發胡葵芍藥參徘徊眼明忽見此奇
絕弟畜素馨兄事梅夜深飛香性幽獨未許蜂
蝶來相陪糖甃封餘有閩土會須掃取添花栽
吾聞閩山千萬木人或視此齊蒿菜何如航海
上天關玉色照映瑠璃杯新涼徙倚看不足坐
見日影敬庭槐昔一空雲不封越風
七年端豐同官登勅局小樓觀雪一雪新風

去年歲豐登雨暘應時須所欠惟一雪祈禳遍
精廬晚亦粗飄瞥六花舞空虛雲氣不待族風
伯隨驅除殘春寒尚深忽見雲模糊撒鹽壓衡
茅晨具粟生膚隨班上原廟恍若登蓬壺岩堯
宮殿深朱扉黃金鋪百神衛靈居半天散瓊瑤
又疑守護嚴寶網絡明珠參差鴛鴦行簪芻皆
沾濡退歸冷局中窻間竹扶踈為思此絕景往
往終年無不應憚凌寒閉門守紅爐為君登危
樓深盃泛馳酥崔魏瞻吳山芬蒼望西湖瓊枝
宿飢鷹玉街走韓盧酒興萬里遠容我歌且呼

坐欲斲五言所愧李與蘇君與工屬聯灞橋去
騎驢

久不作詩喜仲兄遷隣居因成長句

宦游各天涯皇州今雁行官居半里所相過復
相望西隣得老屋往來連戶窻水竹占幽勝風
雨對一床十年短檠燈今夜分餘光兒曹亦可
樂洛誦聲洋洋天邊有白雲隨風正飛揚相期
奉旨甘菜衣戲親翁軒冕皆倘來此意可暫忘
詩成喜可知且復酌此觴

送林宗丞浙東議幕劾主官中丞

先生風骨大與清孤松野鶴何瘦生胸中落落
筭五經大篇短章筆縱橫壯年文場諸老驚俯
仰世故雙鬢星萬事不理詩自鳴笑視軒冕秋
豪輕市者爭利朝爭名著脚往人遭譏評評先
生四五官神京又復歸去鴻冥人臺家急賢理
不應况復寮舊離觴傾先北自喜得此行祿粟
可已啼號聲秦望之山高且平卧龍橫巨環州
城鏡湖千頃波不與晉宋遺跡多豪英議幙了
無塵務索撫物吊古皆閑情我亦久矣懷滄
溟旦夕欲乘緹油屏相望縱復三四程詩筒尚

得尋前盟

臨海縣治琴堂

子賤彈琴真是琴我今無絃知琴心使我不得
琴中趣弦以脩綆誰知音才術高低不自由單
父二子心則侔後人不得彈琴暇勿以戴星為
可羞

送石應之司戶歸剡以室迩人遠為

韻

捷徑指終南索價譏少室窮達豈無命踏地胡
不實之人吏海隅所吐百未一夷途澹無營君

其有終吉
年來嘆離群
磨琢殆無幾
資凡學益落
駑駘費尺
蠶羨君富
春秋發軔
方自適驂
騶更著鞭
洗眼日千里
南明千古秀
慶源久益新
剡溪照人清
况復屈斯人
摻袂不容留
椒觴思拜親
他年風雪中
扁舟儻知津
平生貪賢心
山川恨悠緬
寧知日相見
懷抱竟不展
樽酒了無暇
離情果深淺
室迩猶許踈
况今乃真遠

送王仲於倅興元
蜀道難於上青天
蜀道易於履平地
蜀山天險固自若
視難為易在人迹
王尊真看四方志
叱馭徑行了無累
早登岷峨任陰城
談笑動行千萬里
漢中由來說雞脅
助意謂棄之為可惜
君今此去良似之
更欲遠遊尋故迹
漢都南鄭啓炎蜀
秦置石牛山徑關
淮陰拜將餘高臺
武侯葵處空松栢
大笑出門何慨慷
天涯離愁各尽觴
荷君走馬却送我
李侯參語夜未夫
君方往蹈功名機
何止別駕歌王祥
先正九

年遺愛在更携故笏訪甘棠

仲於象簡乃叅政入蜀時所用

兩齏鼎鬲隨西行勢欲吸盡西江清是誰繚以
千丈城欲去不去豈不靈化為青山鎮東溟首
冠宰堵雙崢嶸安輿從東喜逢迎笑指齏背同
來登春殘雨足綠陰成山鳥相和声唧嚶自從
半山經小亭仰望巨石扶軒楹千山萬山擁翠
屏陰霾掃靜纖雲與翠微下有長江橫袞不
盡千古情廣軒俯瞰萬瓦平佳處歷、堪指名
雪蓬感雲連曲肱蜂房蟻垤殘僧扶欄更上

三兩層一覽物象無遺形從倚未厭茗椀傾長
嘯兩腋清風生親顏甚怡輪為停我亦色笑喜
不勝願我雙親俱遐齡方矐鍊顏華髮星如此
兩峯相對青

會公檄柯山歸別張特秀

我昔志學年侍親宦西安弟兄游庠校見君平
生歡君才獨穎出逸駕不可攀夜窓共檠燈
春遊合杯盤虛堂卧雪嶺傑閣橫雲山爛柯上
危磴鳥巨沿溪灣是時氣相高辯論俱瀾翻一
別二十年天街見我冠殿廬看決科藍袍立清

班黃牒墨猶濕大弨力能彎爾來又五載短書
能幾番茲焉捧檄來吏牘方拏煩室迹嘆人遠
一朝脫籠樊滿意縱劇談痛飲到夜闌十步九
太行此事亦孔艱進哭老先生畫圖慘青綸特
顯顧何為一昔成大還回思我伯氏人琴有餘
嘆感今念疇昔相與涕淚潛故人悵無幾恍如
春夢殘有酒不得飲有琴不成彈復歸坐冷屋
使我凋朱顏我歸不可遲倚門夢連環君言欲
春糧伴我行路難欲去不得去僧坊話間關年
各幾半百後會豈亦班何處更有詩此心匪石

頑群憂發孤笑屬聯不當慳氣岸有如君著身
簿尉間鹽車勿長鳴會當上天閑搽袂不忍別
兩聲為潺、君有門戶責慇懃願加餐

次韻沈史君懷淨岡梅花

土人迥立山谷裏不有使君誰與憐毋庸高牙
煞風景為著佳句增孤妍寒溪照影謾千樹橫
笛吹殘又一年傳聞年後更多在便須躍馬趨
平川

送王木叔推官分韻得錦字

王郎天下士中和自生稟澹然初無營見者輒

斂衽幕中資婉畫處事極精審與人如恐傷律
已淵冰凜深恐馬駭輿要使鷓食甚一寸憂國
心幾年不甘寢此意大來酬退靜若已甚使之
行所學庶幾人莫枕向來孰問之未免斯立喋
川泳而雲飛賴有東陽沈露章極推轂分韻句
裁錦風流有如許不復嘆蹕蹕如君豈遂萬人
物妙流品不應奉香火為養謀祿廩與君幸瓜
葛心交今十稔豈惟我惜別行道情尚在紅蓮
色何似翠栢風愈凜願君踈藥畧一意護苗匪
棄鼎寶康瓠浮名如拾瀆行矣無多言臨歧且

劇飲

彭子復臨海縣齋

乾道癸巳冬此邦我經行鬱攸氣未殄千家真
赤城來訪臨海令瓦礫紛縱橫翹然三尺高問
是戒石銘徘徊重大息更聞愁歎聲試詢來者
誰共言今姓彭我時語旁人此邑其將與迨予
來贊倅客館方暫停夜聞簫鼓沸聽事先落成
起望輪奐美壯觀聳連甍百堵日已作谷斤喜
丁、層樓度勅書兩廡環中庭久乃遊其間宏
大使我驚位置既深穩斲削仍攻精田里不知

役纖粟無輸征安得屋朗々突兀有寧馨退食
不多處扁榜皆佳名中虛物自照政平由心平
榘栢已可悅况有賢弟兄小亭真吏隱縣擁高
山青琴堂雖增曰此意宜細評智調天下理夸
言笑後生大弦可以急小弦恐弗勝舉意屬俄
頃立欲如所營手足民無措吏姦益相乘不如
踈節曰示以信與誠施行有次第坐遠無隱情
上下始相應温和亮以清子賤意不傳僅許勝
戴星彭今蓋得此所以千里稱此非以政學淵
源甚分明行矣解印去衆心已先傾太守爲之

朝一鷄飛青冥傍無虬蟄援日夜思歸耕我無
薦賢柄直書氣填膺安得採詩官取以徹明廷

送虞仲房赴潼川漕

我來丹丘乘貳車送客往、萬里餘盛山使君
別寢久漢中郡丞新寄書公指四明喜隣境典
午何知成畫餅揚旌忽作撞梓行去路六千抑
何迥餘杭名家多俊奇君於輦行尤白眉雍容
晉韻足夷曠百家到手無停披向來郎曹天只
咫尺引身閩山接高舶賈胡歎仰清節高霧中親
見越王石此行叱馭不作難手遮西日又長安

長安日近公應住未放使星臨蜀山不然一行
亦不惡潼川應如錦城樂鄧侯公名凜如在拾
遺風采令猶昨流馬本年諸葛公飛輓止欲修
前功蜀民險遠日凋瘵摩撫要令畿甸同况公
五絕追鼻祖隸古真有两漢風歸來富貴固未
晚為傳此學川西東公計四即喜商會典
奉口遇雨七月欲盡八月初天久不雨暑未徂下田焦卷
上田槁愁嘆不止田間夫嘔啞水車日夜鄉音
漕河揚塵成坦途喜見此溪深且廣玄雲忽起

西北隅林間榭、水漚起兩岸人物歡歌呼未
聞濤沛潤龜坼且使萬物聊沾濡舡窓飄洒踈
蓬漏客意自適涼襟裾引身東望雲氣薄未知
帝城有此無傳聞今日方奏告便有響應來斯
頃人家百萬苦炎熇君王齋禱幾月餘君王齋
禱幾月餘雲師雨師其疾驅

游天台石橋

兩龍爭欲赴深壑觸破山骨成脩梁滔、共出
一門去凜、直落千丈強初疑鞭石跨滄海絕
勝乘鵲橫銀潢要須高躡前峰過往叩山中真

寶坊諸韻... 西歸... 玫瑰先生文集卷第一

蘇... 前入... 帝... 西... 間... 西... 西...

玫瑰先生文集卷第二

四明樓

鑰大防

古詩

史少師賜第賞為樂兮韻得木字

帝城有僊山雙徑森萬玉洞戶八深窈突兀見
葦屋相君領眾客紅藥想芬馥霜刀妙裁剪烟
脂點冰穀枝弱不勝花翠葉共斜矗向來爭春
風桃李媿粗俗百卉紛何在庭樹擁新綠此花
丈人行儼立見出獨相君戴花笑和氣俱可掬
人言此花勝相君意傾屬誰知心廣大何物不

豪福豈以庭中花而肯棄几木君看擇勝具所
在可追逐自言居閒時情話會親族一花有可
觀爛賞費銀燭此心何揀擇寓意本無欲以此
宰天下以此鎮藩服見童與之卒人心歌相國
有能達此觀春風四時足

送錢伯同寺丞守嚴陵

嚴陵錢使君丐外得請外府同僚
相與飲餞于錢塘之津某病瘵
弗得預方得請之初某嘆曰去
年送君來今年送君歸君笑曰此

蘇長公詩全即送行詩也卧病枕上口占
去年送君來今年送君歸君善全去就我獨念
別離君是忠孝家襲紫傳金龜門戶二百年所
寄在一變少年便老蒼况今更險夷不獨妙言
語理密深莫窺健筆照手澤典刑從可知向來
禦祥琴欲把江海麾促召歸田班退食方委蛇
世事等飄瓦人情嘆然冀向非渾金質百鍊豈
不表浩然賦歸歟潔身而去之為寮曾未幾棄
我忽若遺君既棄我去謫仙復追隨去二良
友摻袂重分歧前別易再會今見當何時才具

素絕倫涵養日以滋且為牧嚴陵赤手摩瘡痍
歸來應不晚青氈當屬誰願君厚自愛歲寒尚
相期送楊嗣勳校書守眉山我生東南取不識蜀道難觀君眉宇秀想見岷
峨山漢廷射策時連璧照鴛班伯氏書萬言逸
駕不可攀茲馬從君游頗得窺一斑仙凡隔弱
水接辭良亦艱矧茲萬里別望、何當還三蘇
騎鯨去詞章滿人間豈無後來者遺珠有餘歎
願君効樂全飛章達天關報國此最急餘事付

等間宣室行見思朝暮當予環別語敢言詩屬
聯不容慳

送何道夫祕監守潼川

妙齡冠蜀士名聲振玉畿晚隨台節來天朝增
羽儀我昔倅丹丘鹿侯掛冠歸群公俱祖送見
公四三詩頗恨着鞭先自言乞身遲拳、慕下
風直歎夢見之還朝挹高致氣宇清且夷稱者
不容口徃、同一詞始見荷傾倒笑談欲忘疲
况當秋風高濫吹參試闈鼎嚮得一嘗豹班容
管窺叔度真似道莊生信忘機親踈皆不可况

容磷滯諸生得公來謹曰真吾師叩簾或三請
響吞了不疑私謂如此人定應備論思胡為歸
與勇抗章氣不衰鼓盆萬里外抱孫更成悲擁
麾東川去無人留孔戡別懷不自勝別酒聽淋
灘他時念老成追鋒且復西公能重来否此意
非吾私昔新舟山與荆世軍報籍公野野並具
送趙子直貳鄉帥三山
一蹴登從班人胡謂公遲建牙帥七閩人胡為
公疑公今第一流志操古與期兩州有遺愛江
西愴霜威重來長道山批勅兼瑣闥一片憂國

心輾轉中夜思正色抗危言傳誦滿紳綏造膝
有啓沃削藁知者誰此心與天通此意上所
知所以名愈尊萬口同一詞進用恐不速小却成
歎咨天語自昭然更欲試望之况彼三山重謀
帥皆衮衣茲行豈細事報政不待期登門恨最
晚臭味忘賤微自慙空惜別不解留孔戡十連
終歛惠居中乃其宜試問行道入但知望公歸
王叔師王版鮪次陸子亢郎中韻
鱗黃不減鯨與鱣逆風鼓鬣噴腥涎漁人不顧
浪如山談笑坐致扁舟前一鈎香餌不得去何用

大網相索纏揮刀紛紜變肉骨巨口噉喙誠可憐
珍鮓萬甕不論錢頭顱万里顛行肩星郎日參
玉版禪頗厭蔬食供盤筵尚書親作孟宗寄生
覓七箸生春妍却笑多事張茂先光怪異說
空千年
一氣行太虛流行紛不齊要之本無物洞然無
足疑梵志有至言還我未生時燒了似不曾亦
有毛僧詞冲師名家子少年習裴箕談吐霏木
屑落筆皆珠璣自稱十年來不復念作詩空門

坐枯禪綺語知昨非聞之意已消談笑到日西
習氣終未盡舊編還自攜秀句堪供佛古作
力可追愛玩不去手未免成一癡又欲上西湖
駐錫來語離我生墮宿業筆硯置藩籬拔擢困
胃腎未老神已疲幾欲焚故稿要使心清夷君
詩既不作何不等棄之万事都放下一意探玄
機語罷復自笑無使高人知作詩固無用叅禪
亦胡為勸人反自蹈此紙何必揮不如兩俱忘
他時赤体歸

古人詩墨催老融墨戲詩墨吐謝命謝臺未盡

古人惜墨如惜金老融惜墨如惜命濡毫洗盡
始輕拂意匠經營極深復人非求似韻自足物
已忘形影猶映地蒸宿霧日未高雨帶寒烟山
欲暝中含太古不盡意筆墨超然絕畦逕畫家
安得論三尺身世生緣俱墮甌人言可望不可
親夜半叩門寧復聽三生宿契誰得知一見未
言心已應巖傾千丈雪散空上有清池開錦鏡
意行忽發虎溪笑許作新圖寫出勝歸尋一紙
五十尺傳以礬膠如練淨自知能事難促迫捲
送松窓待清興筆端膚寸今何如西抹東塗應

畧定何當一日快先睹洗我昏眸十年病
獨旦華次九五從叔韻

朝菌晦朔雖不知食之實貫東南味度郎二十
有七品一見流涎驚絕異擷蔬剪韭皆可却味
苦應無夏蟲避火阮哦詩未了又索蒸芝今
再遺迓來枯枿尚未茁拳人頗媿臺無餽倘容
小摘寄情親會遣長鬚見芥意

丙午九月才入冬晦日忽驚雪墮空傳聞都城
更復早萬官入賀明光宮自浚開霽更不雨和

氣直似青春濃斗柄插子日丁卯夜煽裂缺鞭
雷公從以震霆至三四驚破蟄戶紛昆蟲寧知
玄冥全未究翻手作雲千里同暗窓初聽洒珠
電翼二滕六方施工一日喜見瓦溝積忍寒待
伴烟不融二日三日遂盈尺膏潤四海恩無窮
古來詩人詠不尽巧思橫出昌黎公少時奮筆
不肯已老矣袖手便踈慵兒曹作戲記昨夢舞
後擲距金雙瞳誰人若欲撩詩思更作玉山高
數峯移將劉义兩冰柱輝映愈竟清心曾見之
躍、忽披癢起呵凍筆尋詩筒開門一看天宇

闊素規百萬翻長空風攬樓玉宇滿妙界千林
寶樹春玲瓏恨無高臺三百尺縱觀萬象凌空
濛固知幻景有變成一時如入崑閭中仙家俄
頃閱塵劫安知此際非神功贖喜年來米價賤
便欲扶犁隨老農墻頭濁醪走來過相與痛飲
歌年豐

吉餘蘇少兄及真率會

晝錦坊中作真率群從相過無俗物主人就樹
折楊梅醉倒薰風涼拂、小舟傍城登雉堞坐
看白鳥蒼烟沒須臾撐出洞天去傑閣三層高

突兀樽前賦詩貴神速十分鈍似遼天鵲從他
銀漏促殘更要見林間紅日出
吾翁積德厚九子官其六不幸失三人孤嫠紛
在目三弟尚白丁升沈犹未卜吾人扶門戶參立
如鼎足脫死憂患餘偏親湏水菽阿連先著鞭
去長江曲弱冠承賞延十載荷衣綠間闕困家
食才就五斗粟要知官無卑豪髮當畏肅督耕
兩大圩受輸十萬斛處之誠未易勉旃直自最
執別動萬感酌酒再三祝吾子素解事涉世要

未熟意行湏揆理言輕恐招辱王事究一心言
玷復三復細行累天德陰財損陽祿豈惟贈尔
言余亦每自惡公餘稍有暇更取故書讀行矣
更自愛家声要人續

春日足風雨不知艷陽天桃李俱成塵懶上西
湖舡春餘忽微和餘蘼發清妍池塘芳草夢况
復向阿連中庭月方午密林澹清煙蒙、青羅
帔繫、白玉鈿幽歡久不講群從俱謹然銀燭
頰高燒妃子浴溫泉花以酒為名我以杯相傳

爛醉不復辭此會期年心自適
如君不見王君羽化脫秦厄故山至今名落翻又
不見烏程野鶴投髦毛佞臣称瑞民斯勞何如
奉林控雀登青霄傷無委羽登山椒青衣出入
洞方杳紫氣氤氲風尚飄今君頗似丁令威雀
馭久去雙鳧歸山川良是人民非一新琳宮還
舊規黃山父老歌循良誦君詩句游雲房更將
山石比豎操百碑猶能徹骨方

青林

郡齋偶休沐驅車出西城依
栢聲雪餘春意動新綠生
眼增雙明主人喜客來倒屣欣逢迎
遊健筆詩方鳴回首幾年別千里
又睽隔此意猶未平不如造齋閣
風流陶彭澤翫阮步平看劍引三尺
論文驅六丁綠野秀橫檻
底輕雲生詩盟忝予會
列炬林鴉驚清歡未云足
十眉舉酒酬三英滿壁洒醉墨歸夢含餘清我

方媿此集君欲尋前盟吏鞅方縛我秋風為君
行

五神雲主隱清

右軍訪文軍遁迹入深竹我來尋歛斂人亡但
空谷靈龜闖澄潭華宇對飛瀑若人今何之尚
想舊茅屈吾聞古君子千載守孤獨楚些不可
招懷哉愴喬木

送劉晉父監獄

濟南劉夫子生來逢百罹乃翁負長才宦游至
京西時當建炎間寇盜紛不齊轉徙入湖廣一

家屢沾危五羊買海舟萬里向鮎埼舟破投永
嘉有如鳥擇棲哀、老治中藁葬山之陸母家
在衡陽孤嫠往相依久卧漳濱疾羈窮命如絲
事母以孝聞執喪禮無虧廬墓屏幃如至行徹
丹墀有詔寵教蕃得官祇奉祠行年六十二霜
髯照虎眉慨然念防墓千里來海涯西山如蓮
華古今冢累累况此夕宿草蕪穢不復治孝思
雖甚切冥漠何從推行道為興嘆智力無所施
有僧幾九齡自言記當時君聞亟叩請東岡指
荒基吾師慕泓公少也從吾師墓中有版識倉

葬基吾相墓公少也吾相墓中何所
猝不暇碑素棺無石柳灰炭周四圍君方感斯
言鑽穴從旁窺其言皆可驗自此不置疑惟餘
蓋棺木遺骨不堪移斲石表故阡遂塞無窮悲
此僧老而壯斗酒如覆危與君登山椒下上幾
如飛竣事才教日溘然不可為孝感人益仰真
有神相之君曰某不孝迂奉致失期未得如有
失既得涕滿頤嗟我誠寡陋識君顧已遲一朝
來短札謂我從此辭皎、真白駒安得施繫維
戴侯旧山長參語心相知謂余當詩此顏風激
流滂世出世間法君方探玄機引証即騰語馬

用骖馱詞衡陽尚寄書當有鴻鴈歸後會渺無
日為賦古別離

王成之給事園小堂

煙雨望麗陽前山羅紫翠照水挹南明不與巾
子對竭來登園山一覽萬山會蓮城山固多此
地要為最主人意軒豁物景供曠快山椒湧華
屋迥立風埃外一物無遁形所在見纖芥清霜
肅天壤佳樹隔闌闌俯仰隨取舍左右從眇眇
門墻尋故步杖屨許從邁恍然至絕頂更覓宇
宙大樽酒屢勸酬棊枰更勝敗秋高月色皎浮

雲了無碍不俟攀仙掌徒手吸溪瀨茲堂極崇
敞意若久深邃先植易生木徐待松柏允望遠
仍可喜意滿聊自晦無使山下人或得窺外內
但恐趣賜環樹藝或不逮先生味斯言一咲相
領解吾將飭園丁隨處添翳蒼他時逸扶踈吾
廬益可愛

游初陽谷及白巖

重來游仙都止欲訪獨峯寧知一峯外佳境無
終穿何處穎川子鏡巖便相逢約我游白巖輕
舟借溪翁齋餘尋宿諾秋霽波溶、清澈見石

底鐫刻驚神工昨登初陽谷但見石嵌空茲浮
懸崖下萬石森卷從上有勝絕地古語留郭公
鬼神謹呵護雷霆掃塵踪換舡到白巖脩篁搖
清風縈回進石屋孤竹攢沙蜂洞府仙所闕無
由辨西東扣舷過巖下數仞如崇墉石趾平如
甃竒怪遮蒼穹更尋小蓬萊俯瞰馮夷宮萬師
進深窈捫蘿捨枯筇游子非不多無人解從容
我因一日留幽尋極山中秋旻快排蕩日煖如
春融歸坐獨峯下石影橫空濛急呼醞醑清澆
此磊砢習幸有濟勝具未能上金龍為君揮五

絃決背送飛鴻

春暉融土夜游獨峯下

峯背正白日舒光峯影橫野萬丈強仰之彌高

之卓爾蔽遮星斗摩穹蒼半秋風露清徹骨望

望直欲隨風翔歸尋玉虛步松徑月輪正湧門

中央

送顏希聖尚書守泉南

聖朝寶運開虞唐太平天子垂衣裳恢張治具
崇儒良孰不願依日月光用之則行舍則藏孔
門賢德遠相忘朝望方隆位文局跬步可到中

書堂問公擁麾何太忙公獨三請志益剛俞音

一下冥鴻翔行李徑出臨濤江爭留孔戩動朝

行公更偃俯不敢當老成全德真主璋溫如春

風嚴如霜栢臺我豈肅朝綱賢閔嚮風士氣揚

大天小天称公方五年吏姦盖而彰金華勸講

言加詳明主傾聽談皇王盍膺枋除任贊襄名

遂身退天所臧明哲保身更康高風可仰不

可量泉山壤土接臨漳建牙千里開封疆老龍

負番寵煌何殊衣錦還故鄉賤子薄宦接王

揚曾陪御史臨文場風簾官燭夜未央劇談犹

記声琅、茲來誤忝尚書郎始尋故步依門墻
西風津頭望歸艎輓公不留遠予將兩宮念
公未詎忘公雖遠去如在旁遮綫重來上錢塘
夾輔大業恢中邦倘有重事須平章
陳順之靈壁石硯山
陳順之吏部靈壁石硯山中有雙
潤低處為硯下米元章題云唐弘
光故物也蔣教授文會有詩次韻
名畫法書環四壁中有米家真寶石辟峯森聳

外澗流他物雖奇敢爭席旧屬半山老僊人佛
印乞之如乞鄰阿章有力負之走一時攘取成
紛綸此石天然非琢磨是時有水生巖何至今
研池尚餘潤歲月既久惜不多幾年徒見士夫
說一旦喜看形偃月傍連玉立兩於菟主人照
映冰壺澈陳侯之富可敵國會
有寶光驚四塞呼童吸尽硯中水更為輕番玩
奇刻不堪回首江南李空唱多愁似春水不如
北石千載傳玉砌雕欄等糠粃寶晉得之真不
易身後寧知亦輕棄只今傳玩知幾人當日瑣
窓空自秘端

歎爭名南北部，勿向雷門揚布鼓。相臺渴死更
不須，祇合觚稜陰風雨。不與不與不與不與不與
永和歲癸丑，賢群會蘭亭。流觴各賦詩，風流見
丹青。右軍草楔序文采，祭日星選文乃見遺。至
今恨昭明，字畫最能意。自言勝平生，七傳到永
師。襲藏過金籀，辨才尤祕重。名已徹天庭，屢詔
不肯獻。託言墮戎兵，妙選蕭御史。微服山陰行，
請詭弔萬狀。徑取歸神京，辨才恍如失。何異敕
六丁，文皇好已甚。丁寧殉昭陵，當時馮趙輩臨

寫賜公卿，惟北定武本。謂出歐率，更採擇獨稱
善。遂以鐫瑤瓊，流傳迨五季。皆在御寢局，耶律
殘石晉，睥睨不知名。意必希世寶，檀裹載輜輶。
帝犯既北去，棄與朽壤并。久乃遇知者，龕置太
守廳。或云政宣間，此石歸紹彭。又言入內府，宣
取恐違程，焚膏繼短晷。拓本手不停，疊紙至三
四。肥瘠遂異形，南渡愈難見。得者輒相矜，我見
十數本，對之心欲醒。汪侯端明子，嗜古自弱齡。
錦囊荷傾倒，快覩喜失聲。帶流及右天，往一字
不成，而此獨全。好護持，如有靈。尤王號博雅，異

論誰與評硬黃極摹寫唐人若無稱贗本滿東
南瑣、不足呈猶有斐與撫砥硤近璜珩右軍
再三作已竟不称情心慕且手追安能效筆精
響榻固近似形似神不清不如參其意到手隨
縱橫况我筆素拙何由望群英近亦得舊物庶
幾窺典刑此本更高勝著語安敢輕孤風邈難
繼悵望冥鴻征

送劉德脩少卿潼川漕
清朝重爭臣選取妙一世矯、劉御史一鶚勝
百鷲顧瞻最有刀步武亦嚴毅一生憂國心千

古敢言氣、足充所學文能行其意遇事徹奮
發觸和無顧忌乘驄行且止斂手已知避但思
補袞闕何暇為身計獨立當雷霆三進氣彌厲
去魯回蓬、出畫豈儒滯上終行其言群賢爭
挽致將輸向潼川寓直尚書祕風裁仰清峻進
退審難易伊昔聃周行睽遠千餘歲未為同舍
郎愈篤金蘭契洗眼看騰上寧知攬征袂抗章
歎高絕勇退尤知愧去勿窮日力予環日月冀
承君送道鄉硬語吁可畏毋以此自滿當為不
正是臨別提斯語少畫交明誼萬里為同心矣

蜀安有異

次韻李季章監簿泛湖
仙舟共泛滄波去且向蘇公堤下住西風吹就
芙蓉城青鏡閑粧兩呈露皇家法崇儉素宸
心但欲乘商輅離宮別殿無與作天以西湖供
一豫吾侪公退得清賞酒醖棊枰不知暮深知
夕照戀狎鷗又恐昕朝追振鷺自憐三鳳皇
城歲月黃塵等閑度湖光正欲捲簾看風色更
煩寧幙護孤山不見凌士廬司馬空尋蘇小墓
酒乾人醉歡有餘聯騎還趨湧金路歸來健倒

渾不知睡竟燈前裊香霧丈人公子真冰玉曾
為出遨揮妙句匆匆借韻僅成章敢說尊前鸚
鵡賦

送楊廷秀秘監赴江東曹

平生揚誠齋可仰不可見去年尺一書老韓忽
同傳道小故仙伯再上古文殿蓬萊兌清淺筆
力愈雄健獨挾風雅軸孰敢當白戰一官定一
集流傳殆千卷拙工見大匠有技不敢獻誰持
斫繁篇徑掣巖下電誦之百寮上慙汗幾被面
公今欲何之江左去乘傳鼻間長栩栩仕已忘

欣怨英日暮雲薦紳極追戀挽公不得留觴
豆紛祖餞惟應三山高須公和江練君王念疇
昔臨遣尤繾綣公手遂來歸密侍清閒燕坐寢
淮南謀如彼雪見現從容處籌惟侵疆歸古汴
同朝送曾無玷寺丞守池陽來
我朝衣冠盛名家數三曾南豐暨穎川後起參
溫陵迎來螺川族駸著簪纓春風雁塔中參
差見姓名君才素穎出健筆從縱橫江右兩壯
縣談笑政已成河陽桃李花武城絃歌聲八朝
八九載去擁池陽旌年家有旧好一見意氣傾

更因劉御史為君寫先銘去年叨省郎君亦轉
為丞中都但交謁名紙空毛生惟因候賓廡接
膝傾交情分陰尤可惜翻恐倒屣迎阿連幸為
寮庶幾多合并寧知成勇退拂袖尋歸程袂滿
素簡靜不足煩公行要當試盤錯才刃新發礪
似聞有劇部或已薦長卿君其少停驂有詔來
皇局習煇
劉望之國錄惠示文卷次韻為謝
吾聞三峽江湍流下無底吾聞岷峨山聳秀且
千里坤維氣淑靈所產多士名高文既鏗然特

立亦卓尔久慕黃中劉近有貢公喜亟從蜀士
問人物定誰比少年負奇節論事如翻水萬里
見張胡義激非氣使賢閔遂為寮八尺見英偉
諸君皆歛避相與推德齒惠我春容篇句法參
子美再誦平生言作者真近似戰國信徒勞秦
貪不知止漢唐取與守反覆皆造理藩鎮論加
詳河朔紛昂峙詞源既淵深博渺無涖涖今
使諸生教育均蒙被論議歸正平辭章掃浮靡
古人去已遠時毋分彼此君其挽之回續弦須
鳳髓

餞李君亮著作守眉山分韻得翠字
天下大峨山雄秀盤厚地山雖不在眉所在擁
空翠矯、三蘇公挹此淑靈氣文章垂日星照
映蓋一世李侯起廣漢射策叩丹陛孳然出群
英東南藹名字未上著作庭行入甘泉待胡為
把一麾西歸尋藥市吾聞此州俗秉法更陳義
厚德坐鎮之近古易治翻君家義槩堂活人百
萬計老親懷故山色養謹承志還家萬里餘赴
鎮夕可至不作題柱驕豈有畫繡意班、老萊
衣人間真樂事忠孝無兩心出處固一致他日

上恩君命駕當不俟此別諒非久毋庸慘征袂
送張定叟尚書鎮襄陽
武部尚書張公出鎮襄陽士夫莫
不惜其去昔韓昌黎送鄭尚書詩
韻必以來字祝使成政而來歸疾
去而願歸蓋人之至情也而公自
受隆委謂邊事非可趣辦願加久
任庶有成績憂國而不為身謀聞
者壯之某嘗陪郎省餞別分韻得
壤字未能措辭繼又隨西蜀諸賢

之後始得詳聞臨遣奏請之言被
酒夜歸亟述長韻

公家忠獻公勲名照穹壤南軒傳聖學後進斗
山仰尚書天分高百聞真朗朗日坐四益堂濡
染助涵養小出輒驚世發譽自英蕩兩朝倚才
刃三接承睿筵堂一尹京手風采漢張敞九街
寢桴鼓終清朝訟殆汗流化清溝開市鋤巨駟
鈴齋晝無人士友厚吾黨政成化自行談笑揮
浩穰皇家重閭寄術驛勞注想頗牧起禁中帝
曰汝其往人多惜公去地位切台兩惟公不擇

地引義猶慨慷逾度更周詢千里若尋丈再拜
受臨遣因得進忠讜邊臣固多事備禦當素講
要須久其任百弊隨剝破願假臣歲月表裏如
指掌人材固不乏第一戒欺罔樸拙勝巧心好
佞寧木彊願求忠信士枉直謹誅賞更須寬鑿
策奏請應如響上問卿何先安靜最為上上憂
襄漢間乎楚久遮障公因論形勢哀一到遊抗
是時晉在洛武昌勢相向是為必爭地南北謹
隄防今雖居上游事與古殊狀狂虜縱欲來無
處可傳餉况今三垂靜皇靈方遠暢與蜀相倚

角國勢自增壯尚期效尺寸才踈意非廣忠肝
氣凜一秋旻足排蕩上喜憂願寬趣行開玉帳
捐金示優寵諭賜煩上相惟公最得士離別俱
惆一薦紳紛祖餞直欲傾家釀賦詩寫匈臆一
一成技癢家聲與國事負荷有餘量邊頭十萬
兵公臨如挾纊吾聞胡運窮群酋欲爭長不載
將自焚前轍有狂場當為不可勝有和謹毋倡
千載羊叔子制敵恢天網行將友斯人山川固
無恙備成撫機動應煩護諸將功高歸未晚會
見登弼亮他時名父子繼踵凌煙像

送鄭惠叔尚書守建寧

十五年前送別詩道山持節向江西今年又見
送公別大天擁麾鎮閩越向來惜別固已深今
日摻袪尤動心尚書自是第一人氣義相許披
胸襟南宮五表平明入列辟傳聞俱聳立下壽
皇聖孝冠百王三復高文天為泣擢處靖切寇
數新果然百日掌絲綸拭圭修聘稱應變握節
不撓威殊鄰直上銀臺尤振職李藩氣槩時批
敕嗣皇銳意新百度筆端真有回天力星辰
聽履冠文昌急流勇退驚朝行望之止欲試馮

翊長孺寧肯薄淮陽孤拙自憐銷壯志三入脩
門空負媿薦人不進終不已獨賴當時言有味
公在猶嘆一居州公去無人為王留公乎行歸
佐天子肯作管晏卑微休

送蘇壽甫少卿赴潼川漕

老坡送江直入海君今歸尋江之源外臺去鄉
若不遠為持使節臨潼川君家一世四海聞
于一問驚胡塵歸來便合上清禁胡為日念橫
峨岷賢哉群從傳家風夕郎名節世所宗諸卿
亦復載清德况君又似尚書公壽皇念舊久

更深聖明親擢傳玉音君端寧能及黔突定應
召駟來追尋清獻入蜀携一龜君今數鶴同載
歸他時未免蕙帳怨人在西清鶴自飛

分韻送孫從之司業使湖南得千字
夫君靜而敏人十已則千讀破萬卷書操筆思
湧泉古事與今事一一掇本源蚤蜚塲屋聲作
吏志益堅竭來上清班漢庭誰在先雍容行祕
書史館躬繫鉉片言寤明王立使登諫垣拳
憂國心傾倒十三篇司成天下選歸志已浩然
赤日送妻子襍被尋谿船諸生暮陽城欲挽不

得專竟持湖南節征袂何翩一憶昨忝同登于
今三十年朝行喜相會終恨非官聯請益殊未
饜匆一啓離筵始以長官來今以繡衣還書生
素安分豈問却與前第惟公輩流自應留日邊
德星聚南楚予環當茹連事體有關係臨岐欲
無言

送王恭父倉部知洋州

天清無雲秋氣明好風叢桂傳芳馨乃於此時
送君行江空日短難為情蚤從兩川馳大名眉
宇瑩徹春壺冰語輒傾倒地平大篇小篇韶

釣鳴 壽皇一見喜不勝璧水道山照群英潼
川題輿遠有声痛洗鹽筴疲民醒 天子呼來
再登瀛典頌著作承明庭絕域徃陪蘇子卿馬
上談笑胡人驚歸來期君侍西清胡為西去謀
專城士友重歎君不鷹視此進退秋毫輕洋川
風物天下稱文翁流詠人載賡當時猶侍群政
成君今未到意已傾奇我大編秋江澄圖史萬
卷鷗與盟殘編斷軸恐飄零數輩裝潢手不停
我亦重來預彩纓三日不見鄙吝生况此撥袂
將長征欲挽不留鴻冥一賜環勿憚萬里程江

山多助筆縱橫黼藻王度扶中興

題范寬秋山小景

山高最难圖意足不待大尺楮眇千里長江浸
橫翠畫家雜雲懨恍徒意會苟或森三尺便煙
若俗子對此畫格律嚴興寄獨超邁洗眼映窓
明妙處乃不昧流泉見原委著屋分向背推車
度危橋指路向闌隘輕舟最渺茫浦嶼如有待
山後瘦路骨汀洲橫若帶木葉黃欲脫秋容儼
然在霜餘無片雲歷々數沙界搜尋目力疲欲
賦無可柰近山才四寸萬象紛納芥欲識無窮

意聳翠更天外

江西李君千能、和墨及畫梅良齋

許以三奇而詩非所長也

游藝無小大要皆知本原後人率意作終當媿

前賢老潘妙對膠法從玉局傳或假季心名空

掃千鐙煙補之貌梅花踈瘦仍清妍折枝映月

影真態得之天李君信雅尚二者將求全諸公

競稱許誠之乃誠然江西有詩派皎、俱成編

茲事未易窺屬君尚加鞭

今韻送盧國華福建提刑得華字

盧侯場屋声天馬騰渥注殘膏沾後人奇芬吐

天葩來踏九陌塵去種河陽花向來再去國盛

山建高牙平生長者譽靜篤語不詳古井絕微

波璞玉無纖瑕使星照蜀道惠愛流三巴吏姦

賴刮磨民瘼煩搔爬田里誦盧公兒童知國華

白首尚郎潛坐曹事如麻翩、擁軺車去去向

合沙朝行惜君去舉酒相邀遮共登獅子峯巨

石臨哈呀却來澄湖邊野梅訪萌芽老柳掃黃

葉枯荷蠹寒茄棊枰戰文楸醉帽歌烏紗伊昔

送君行相去萬里賒荷君遠寄書得、來東嘉

一見又成別感念成咨羨君徑褰帷往戌嗟不
待瓜先尋上水船何殊泛仙槎作粥喜奉竦上
冢仍過家此計正未踈所恨成天涯尚幾或留
行船鼓毋庸槓志舉前賦邊登嶽七峯日
白首尚吟題老融畫牛溪煙雨蘇軾車去去向
暝煙吹雨冥冥雨半半渡深清京塵久汗巾履
頗思歸濯吾纓外是照舊意流三四更

山數高下慧元畫寒林七賢詩不古共然
天並來欲山舊有唐人出游圖謂宋之問王維
李白高適史白岑參今人多畫士

賢不知第七人為誰或云是潘道
遙然未見所據病起坐攻媿齋元
公忽作寒林七賢相寄余方夢寐
故山見之灑然戲作數語謝之

羣賢俱詩豪時代不同處安得寒林中
相語誰歟創妙意臭味無今古吾聞顧陸輩寓
意或如許桃李並芙蓉雪中蕉葉吐元師老
融淡墨掃風雨作此寄攻媿歸與渺烟渚舊六
今則七未知果誰與我欲從之游詎敢廁俦侶
畫我往執鞭欣為李君御未蟬詩與六韻為橋

畫如畫 李教授和所贈老融詩復次韻為謝
鄴侯插架書最多筆力雄奇天所命萬人海中
深閉門理窟搜尋到幽夔我詩無律如山謳形
穢豈堪珠玉映時人歸夢入故山曳杖松間記
投暝因君佳句撩秋思便欲歸尋舊三徑兼旬
足痺不良行况復炎蒸如金甌夜來一雨洗阿
漢簷溜消、清入聽晨與剝琢誰叩門乃有同
声喜相應讀之恍若濯清風自覺昏眸怯明鏡
伊余何幸點班行結交往、多名勝夫君平處
顧清新鮮道澄江如練淨從今我乃得四友不

持官梅動詩興推枕裁詩謝高致扶僊搖毫心
靡定舊聞讀檄愈頭風令賴長扁起衰病

次韻六和塔秀江亭壁閒留題

江外參差列萬山我家深在萬山間好山止不
用錢買但要未老身先閑長江比愁終似少江
水能回愁不了扁舟何日過西陵鄮山佳處吾
歸老

跋袁起巖所藏脩禊序

悵望當時真蹟臨摹所在支分千載但稱合作
誰能有感斯文

定本為世第一此又在定武前今日錦標五軸
向來不直一錢

送陳君舉舍人東歸

皇天生人物千載非偶然冲和兼萬人始得一
美賢夫君乃其人人一已百千飛黃欲追風况
復勤著鞭文陣蚤奔放氣欲摩青天短褐東海
頻名貫牛斗躔聞道更獨早自言若隊淵出登
龍虎榜徑上鵷鷺中閒幾流落清相窮汴公
白首始為郎一見意已傳登瀛上麟臺授簡游
兔園擢為柱下史遂居紫微垣去天真尺五朝

網賴扶顛龍樓缺問寢萬口爭進言惟君最勇
決螭頭屢直前危言破人膽三進加勤拳天高
聽亦高歸袂何翩、高風激顏波同列空慙顏
君雖未必去一去勝九遷我欲留孔戣有懷不
得專况自欲去何心挽歸船嗟我生我何為與
君幸齊年先後才九日相與同氣然幾年苦契
闊班心忽差肩判花同代庖君思如湧泉上房
草數制下房時一篇一篇輒高妙隗始媿余先
春秋隱公傳國史建隆編周官授大旨所得俱
未全聚散不可料錢別滄江邊君將處於陵我

耕綿上田君行母疾驅中途恐傳宣不然遂成
別孤帆渺風煙夢竟不可制隨君墮中川

次韻趙子野石城釣月圖

石城江頭可憐月曾照六朝清夜獵古往今來
知幾何長江哀、蕭、葉、謫、僊、去、後、詩、盟、寒、王
孫詩瘦清癯詩情浩蕩坐無柰扁舟笑藥把殮
溪竿江平風輕波瑟、宿靄卷空天一色東風
吹句入長安一卷風流坐中得初得神意清再
讀曾次平回頭明月祇如故世上興廢徒紛更
想君一葉万撇舞夜靜水寒誰與語船頭有酒

且孤斟莫向金陵重懷古

成溪道中

寒潮高於淩黃流濯西河人牛力俱壯相與衝
流過潮落勢巨禦轉擢依丘阿暮靄起平楚陰
雲翳寒莎夜分潮復上擗聲相軋摩大江渺無
津不知身在何餘生一虛舟兀然聽風波吾親
白雲下况爾方卧病遠游非吾事歸矣毋蹉跎

哭表弟汪去偽墓

內弟幼而敏抗志欲決科一行試曹掾吏才猶
患多謂當為時用舌在如命何通籍已艱阻入

幕終蹉跎我生依外家侵尋閱義城視君如同
氣竹馬聲相和少長聯研席詞場深琢磨相期
到晚歲杖履俱婆娑寧知五年別君隨東逝波
憶同戎溪行我馬君乘羸馬駕費、十駕羸後已
倍過重來意慘愴樹擁山峩峩嗟君父與兄相
望空山阿宿草理白壁寒風撼林柯沉吟痛疇
昔有淚如懸河

次韻蔣德要三徑

居山或稱因得閑乃賦謫我樂靜方退來作三
徑客西山致朝爽膏肓在泉石沉雷秋空淨萬

里看一碧

吳參議達觀齋

君不見大鵬與鸞鳩自適俱是逍遙游又不見
大椿視朝菌一脩一短終朝盡况乎秋毫為大
泰山小莫壽殤子彭為夫漆園老子超衆作立
論雖竒定非矯鳧脰從短鶴脰長蠻觸亦能成
戰場譽堯非桀兩置之讀書得筮俱亡羊世人
顛倒名利途躋攀分寸爭鎔銖河伯猶驚北海
若井蛙醯雞何足銖試同萬衆走城市躍馬徒
行分賤貴却登高處望塵中但見紛、如聚蟻

暫高猶爾况真高神游八表非矜豪寧能高舉
去人世勿以役、隨泊、是知達人有大觀蝶
夢為周聊自玩翛然無入不自得處若終身仕
成漫吳侯晚到東海濱飽諸世故無戚欣相逢
一笑成莫逆似知我亦箇中人
送姜子謙丞於潛
處則有超蓮出則將哦松眉宇無一塵出處皆
雍容君看妙蓮華本出汗泥中兩松痛掃漑下
有簿書叢汗潔無二致喧寂本亦同於潛今畿
邑蜀道萬里通至今存古意民風尚醇釀一邑

既當問尤宜撫疲癯藍田文最高後學仰韓公
彼言蓋有激昧者但稱上成案漫不省丞哉豈
真聾姜氏太嶽後夷門幕家風教子延名師列
碑多儒宗宮庠既開荒書種慶所種換桂雙枝
秀益見筆研功後生日加勉衣鉢傳無窮君才
有餘刃壯行氣方充功名此推輪助翮看摩空
我歸幸同社棊酒時相從尊前不忍別吟愁夕
陽春我家老揚州五記有遺蹤向來耕織圖為
煩訪溪翁

送從弟叔韶尉東陽

阿連沙也爽孤立生氣燄壯年淬詞鋒傾心事
鉛槧膠庠困壘鹽世科終穩占再興連挂堂爾
祖真不忝况將尉東白士友尚歆豔惟我愛子
深老矣猶不厭固知為子喜頗亦動吾念贈子
當以言若口當針砭此色子舊游歷、數行店
棠陰見即君遺老喜窺覘其民最服義情偽靡
容掩莫恃采捧威要使幕中塾子文多立就詞
采更華贍吾聞恃俊者塞門差及玷前賢最加
謹臨用更重檢他時可待取天庭得錦煥吾家
有素風耳目久濡染毋庸慕豪舉助廉先以儉

酒酒更宜戒平地有深塹酣暢當有時勿習孟
激灑將論毋過高斯言却防玷立節毋務竒躡
等恐成僭外物思過分檢身但多久勿嫌一尉
卑封清尚為僊仕途固嶮巖大要進以漸不須
苦求知真知奏應剡向來湖海豪四十可收斂
寧為處囊錐莫作露刃劍勿、摻祛別魚鮮酒
方釀刮目待子歸罔俾吾言驗

次 數 法 主 集 卷 第 二 氣 錄 此 年 海 詞 錄 順 心 事

公 東 勝 岸 因 蓋 鹽 古 科 終 穩 古 每 興 連 挂 空 角

其 其 亦 亦 光 將 射 東 白 士 史 尚 故 歸 惟 我 受 子

少 驟 也 目 符 以 強 固 每 若 言 然 亦 動 音 念 贈 子

此 地 絕 無 欲 不 驟 日 絕 日 參 疾 別 魚 辨 水 面

知 真 亦 奏 德 則 向 來 海 家 四 十 回 水 數

。 也 為 謙 行 金 因 愈 漸 大 畏 進 以 漸 不 顯

此 也 物 思 過 不 愈 身 何 多 又 由 數 一 歸

發 變 母 題 絕 地 有 疑 於 此 亦 疑 母 於 母 離

海 道 女 年 為 深 難 也 物 絕 地 有 疑 於 此 亦 疑

